

Semua perlu bersama kerajaan angkat Malaysia sebagai negara hebat - Fahmi

Bernama

November 24, 2023 09:15 MYT

KUALA LUMPUR: Semua pihak perlu bersama-sama kerajaan dalam usaha mengangkat Malaysia sebagai negara hebat di peringkat antarabangsa, kata Jurucakap Kerajaan Perpaduan, Fahmi Fadzil.

Beliau yang juga Menteri Komunikasi dan Digital menerusi hantaran di Facebook berkata, saif kepimpinan akan terus dirapatkan agar kepentingan rakyat sentiasa jadi keutamaan.

"Ini bukan masanya untuk memusuhi antara satu sama lain kerana ia akan merugikan negara," katanya.

Dalam hantaran itu, Fahmi turut menyentuh mengenai amanat Perdana Menteri, Datuk Seri Anwar Ibrahim yang disampaikan pada majlis kesyukuran sempena setahun pentadbiran Kerajaan Perpaduan di Putrajaya malam tadi.

Beliau berkata, seperti yang ditekankan Perdana Menteri kerajaan akan memulakan corak tadbir urus yang lebih tegas dan pantas untuk mengemudi negara pada tahun kedua pentadbiran Kerajaan Perpaduan.

- BERNAMA